

Germana lingvo

La **germana lingvo** (germane: *deutsche Sprache* [DOJĉe ŜPRAĥe], *Deutsch* [dojĉ]) estas ĝermana lingvo, parolata ĉefe en Germanio, Aŭstrio, Liĥtenŝtejno kaj Svisio.

Hodiaŭ proksimume 100 milionoj da homoj parolas la germanan kiel unuan lingvon, kaj eble pliaj 28 milionoj kiel duan lingvon (World Almanac 2000). Ĝi estas la oficiala lingvo de Germanio, Aŭstrio kaj Liĥtenŝtejno, kaj unu el la oficialaj lingvoj de Svislando, Luksemburgio kaj Belgio (Germanlingva Komunumo de Belgio) sume oni nomas tiun teritorion **Germanlingvio**. En la plej norda provinco de Italio, Sudtirolo, ĝi estas oficiala lingvo samranga kun la itala kaj unua lingvo de la plejparto de la loĝantaro, kaj ankaŭ en suda Danio ĝi estas oficiala. Ĝi ja estas parolata en partoj de la Opola provinco. Historie, ankaŭ estis multaj germanlingvanoj en grandaj partoj de la hodiaŭaj ŝtatoj Pollando, Litovio, Latvio kaj Estonio, Ĉeĥio kaj Slovakio, Hungario, Rumanio (aparte en Transsilvanio), Ukrainio, Belarusio kaj Rusio (krom en Orienta Prusio aparte laŭlonge de la rivero Volgo) – kaj post perfortaj translokiĝoj ene de Sovetunio dum la 1930-aj kaj 1940-aj jaroj ankaŭ en Kazaĥio – sed post 1945 kaj post 1990 la plej multaj germanlingvanoj, parte devigite, parte propravole, forloĝiĝis de tie. En Brazilo la germana estas gepatra lingvo de ĉirkaŭ 20 mil homoj, pranepoj de germanoj, kiuj alvenis al tiu lando dum la 19-a kaj komenco de la 20-a jarcentoj, kaj ankaŭ en Argentino, Paragvajo kaj Venezuelo, Usono kaj Kanado signifa procentaĵo de la enmigrintoj el Eŭropo kaj iliaj posteuloj estas germanlingvaj – en Usono la lingvo inter alie flegiĝas en iuj tradiciaj religiaj komunumoj, kiuj dum 17-a kaj 18-a jarcentoj estis subpremataj en Eŭropo. Krome ankaŭ en Sud-Afriko kaj Namibio estas signifa nombro de germanlingvanoj.

Ĝi estas la dua ĝermana lingvo plej parolata, post la angla lingvo, kaj unu de la plej gravaj lingvoj de la mondo.^[2] En la Eŭropa Unio ĝi havas pli da indiĝenaj parolantoj ol ajna alia: ĉirkaŭ 90 milionoj.^[3] Inter la plej instruitaj/lernitaj lingvoj kiel fremda lingvo, ĝi troviĝas en la tria aŭ kvara rango, depende de kiel oni interpretas la ciferojn.^[4]

<div>Germana lingvo</div> <div>Deutsch</div>	
Parolata en	Germanio, Svislando, Aŭstrio kaj 38 aliaj
Parolantoj	105 000 000
Denaskaj parolantoj	proksimume 100 milionoj
Fremdlingvo / dua lingvo por	proksimume 28 milionoj
Skribo	latina
Lingvistika klasifiko	
Hindeŭropa lingvaro	
Ĝermanaj lingvoj	
Okcidentĝermanaj Lingvoj	
Germana lingvo	
Oficiala statuso	
Oficiala lingvo en	<div><div><div></div><div>Aŭstrio,</div></div><div><div></div><div>Belgio,</div></div><div><div></div><div>Danio,</div></div><div><div></div><div>Germanio,</div></div><div><div></div><div>Liĥtenŝtejno,</div></div><div><div></div><div>Luksemburgo,</div></div><div><div></div><div>Svislando,</div></div><div><div></div><div>Italio</div></div><div>(Sudtirolo),</div><div>Antônio Carlos (Brazilo)^[1]</div></div>
Reguligita de	Konferenco de la edukministerioj de la aŭstraj kaj germanaj landoj, svisaj kantonoj, germana komunumo de Belgio, Liĥtenŝtejno kaj Luksemburgio
Lingva statuso	1 sekura
Lingvaj kodoj	
Lingvaj kodoj	
ISO 639-1	de
ISO 639-2	
Bibliografia	ger
Terminologia	deu
ISO 639-3	deu
SIL	GER
Glottolog	stan1295
Angla nomo	German

Ekzistas multaj germanaj dialektoj, sed la altgermana de Martin Lutero en ties Biblio (1534) iĝis la normo, kaj hodiaŭ preskaŭ ĉiu germanparolanto aŭ parolas aŭ povas paroli ĝin.

Franca nomo

allemand
Wikipedia

La germana estas grava lingvo de la scienco, de la filozofio, de la literaturo, de la muziko, de la teknologio, de la industrio kaj de la monda komerco. Ĝi gravas en la monda kulturo.

Sintakse, la germana havas vortordon V2.

Enhavo

Skribo

Ortografio
Reformo de la ortografio
Norma germana

Gramatiko

Genro
Deklinacio

Dialektoj de la germana

Historio de la lingvo

Norma lingvo

Klasigo

Literaturo

Aliaj famaj aŭtoroj de la germana

Germandevenaj Esperantaj vortoj

Germanlingvaj internaciaj vortoj

Organizoj

Goethe-Institut
Verein Deutsche Sprache
Deutsche Welle

Kuriozaĵoj

Bildaro

Eksteraj ligiloj

Lernolibroj

Literaturo

Vidu ankaŭ

Referencoj

Skribo

	Textur	Rotunda	Schwa- bacher	Fraktur
a				
d				
g				
n				
o				
A				
B				
H				
S				

Komparo de *Fraktur* kaj de aliaj gotikaj skriboj

La germana uzas la 26 literojn de la latina alfabeto, tri vokalojn kun supersigno, la umlautojn ä, ö kaj ü, kaj unu aparta simbolo ß, *eszett* (ligaturo de s kaj de z) aŭ *akra S*, kiu anstataŭas duoblan s post vokalo longa aŭ diftongo).

Svislando ne plu uzas la *ß* ekde la 1930-aj jaroj.

Ĝis la 1940-aj jaroj, la germana estis presita per gotikaj literoj (*Frakturo*) kaj skribata per la Germana manskribo (*Deutsche Kurrentschrift*), kiuj estas malsamaj versioj de la latina alfabeto.

Ortografio

La germana ortografio dedukteblas kutime de la prononcado kaj de minimuma scio. Sed pro fortaj regionaj malsamaj rilate al la prononcado tio povas esti malfacila. La ĉefaj malfacilaĵoj de la

germana ortografio rilatas al:

- *Fremdwörter* (fremdaj vortoj, tio estas vortoj de eksterlanda deveno): ili ofte estas skribitaj laŭ la originala vorto (ekzemple. *Milieu*, *Mayonnaise*), sed la lastatempa reformo de la ortografio rajtigas al germanigo de kelkaj el tiuj vortoj;
- la literoj *ä* kaj *e* (**e** malferma aŭ ferma), en iuj kazoj samfonaj aŭ de simila prononcado (ekzemple *aufwendig* deveninta de *Aufwand*, kie la reformita ortografio rajtigas ankaŭ al skribo de *aufwändig*) ;
- distingo inter konsonanto simpla kaj duobla, kiu en limigita nombro de vortoj kaj kontraŭe al la kutima regulo ne influas la longecon de la vokalo (ekzemple *Tip*, sed *tippen*, *Platz* [tz estas konsiderata duobla z], sed *plazieren*);
- diserigo de vortoj (ekzemple *radfahren* "bicikli" kompare al *Auto fahren* "aŭti, iri per aŭto") kaj la ne-majuskligo de iuj esprimoj (ekzemple *im dunkeln lassen* "lasi necerta" kompare al (*jemanden*) *im Dunkeln lassen* "lasi iun en loko malhela").

Reformo de la ortografio

Por malaltigi parton de la malfacilaĵoj priskribitaj supre reprezentantoj germanaj, svisaj kaŭ aŭstraj konsentis pri reformo de la ortografio. Ĝi validiĝis en 1998 en Germanujo kaj iĝis deviga meze de 2005. Antaŭa reformo okazis en 1901 kaj rilatis interalie al la forigo de la *h* en *Thor* kaj la aldono de *e* por longaj vokaloj , ekzemple *kritisirt* → *kritisiert*).

La ĉefaj modifoj estas:

- samigo de la grafio de vortoj de la sama familio (*aufwändig* de *Aufwand*, sed daŭre *aufwenden*);
- uzo de *ß* nur post longaj vokaloj kaj diftongoj (daŭre ekzistas do *der Fuß*, *die Geiß*, sed *der Fluss*, kio samas ĉe aliaj konsonantoj);
- en kunigitaj vortoj neniu litero estas forigata (*Geschirr* + *Rückgabe* > *Geschirrrückgabe* aŭ *Geschirr-Rückgabe*) ;
- disvastigo de skribo en pluraj vortoj de fiksjaj esprimoj (*auseinander reißen*), estas la afero pleje kritikata, kiu kaŭzas novajn problemojn: « Furcht erregend » (timiga, *tradicie* « furchterregend ») sed daŭre « noch furchterregender » (ankoraŭ pli timiga)
- sistema majuskligo de substantivoj (*der Dritte*) ;
- faciligo de la vortdisigo fine de linio kaj la uzo de la komo;

- faciligo (fonigo) de vortoj el la greka kaj – kvankam ne en ĉiuj vortoj – forlaso de la *ph* (Fotografie)

Tiu reformo estas forte kritikata en Germanujo. La lando Schleswig-Holstein voĉdonis la revenon al la tradicia ortografio en 1998 (decido tamen nuligita de la regiona parlamento) kaj iuj gazetoj kaj eldonistoj decidis reveni al la tradicia ortografio.

Norma germana

 Pli detalaj informoj troveblas en artikolo Norma germana.

Norma germana, **Supra germana** aŭ pli precize **Norma supra germana** (en germana: *Standarddeutsch*, *Hochdeutsch* aŭ, en Svisio, *Schriftdeutsch*), estas la norma variaĵo de la germana lingvo uzata en formalaj kuntekstoj kaj por komunikado inter diferencaj dialektaj areoj. Ĝi estas plurcentra Dachsprache kun tri kodigitaj (aŭ "normigitaj") specifaj regionaj variaĵoj: Germania norma germana, Aŭstria norma germana kaj Svisa norma germana. Pri literumado kaj interpunkcio, rekomendita normo estas publikigita de la *Rat für deutsche Rechtschreibung* (formita en 2004) kiu reprezentas la registarojn de ĉiuj kaj majoritataj kaj minoritataj german-parolantaj landoj kaj dependaĵoj.

Gramatiko

La germana estas fleksihava lingvo. La fleksio tuŝas ne nur la finon de la vorto, sed ankaŭ ĝian radikon, kio komplikigas la deklinacion kaj la konjugacion. Kompare kun la samfamilia angla lingvo, ĝi havas morfologian strukturon pli komplikan pro la noma fleksio kaj la verba konjugacio, sed ĝia gramatika strukturo ne estas reale multe pli komplika ol tiu de la plej parto de hindeŭropaj lingvoj kun noma kaj verba fleksioj.

Ĝiaj avantaĝoj por la lernanto,^[5] estas jenaj:

- Ĝi havas strukturon tre rigidan, pozician. Por ekzemplo, en la ĉefa frazo, la verbo ĉiam estas dualoka ene de la frazo, sendepende ĉu ĝi estas antaŭata de la subjekto, komplemento aŭ kompleta subigita frazo; kaj se la subjekto ne okupas la unuan lokon, antaŭ la verbo, ĝi estas en tria loko, post la verbo.
- Oni legas la germanan iome fonetike (sed ne komplete). Serio de reguloj faras ke difinitaj grupoj de literoj havas antaŭfiksitan prononcon, por ekzemplo, "eu" kaj "äu" estas prononcataj /oi/.
- La germana havas grandan facilecon por formo komponitajn vortojn, kunigante pli simplajn vortojn. Por ekzemplo, "Tisch" signifas tablon kaj "Nacht", nokton: la kunmetaĵo "Nachttisch" estas noktotablo. Por tio ne necesas prepozicio male al aliaj lingvoj.

Ĝiaj malavantaĝoj por la lernanto (kiel dua lingvo) estas jenaj:

- Nepras lerni kun ĉiu vorto ĝian genron kaj kaj ĝian pluralon. Tamen estas reguloj kiuj helpas determini la genron de multaj vortoj kaj la singularon, nome granda kvanto de sufiksoj kiuj determinas la aliron al unu genro aŭ al alia, p. ekz. -keit, -heit, -ung estas femeninaj, -er, -ig estas maskulinaj kaj -chen, -lein estas neutraj.
- La uzado de la deklinacio estas grava en germana. En Esperanto similaj funkcioj estas faritaj per la akuzativo, la adverba finaĵo -e ktp.

Genro

En la germana, kiel en multaj hindeŭropaj lingvoj, ĉiu substantivo havas genron. Ekzistas tri genroj: virseksa, ina kaj neŭtra. Ĉiuj genroj estas samaj je multenombro.

Deklinacio

La germana havas deklinacion. Ekzistas kvar kazoj: nominativo, akuzativo, dativo kaj genitivo. Substantivoj malmulte ŝanĝiĝas laŭ kazo: deklinacio okazas ĉefe ĉe artikoloj, pronomoj kaj adjektivoj. Jen la deklinacio de la difinita artikolo (*der*, kiu signifas “la”), kaj tiu de nedifinita kazo (*ein*, “unu”, sed plej ofte ne tradukita Esperanten), laŭ genro kaj kazo.

Kazo/Genro	Vira	Ina	Neŭtra	Multnombra
Nominativo	der	die	das	die
Akuzativo	den	die	das	die
Dativo	dem	der	dem	den
Genitivo	des	der	des	der

Kazo/Genro	Vira	Ina	Neŭtra
Nominativo	ein	eine	ein
Akuzativo	einen	eine	ein
Dativo	einem	einer	einem
Genitivo	eines	einer	eines

Dialektoj de la germana

 Pli detalaj informoj troveblas en artikolo Germanaj dialektoj.

La **germanaj dialektoj** estas dialektoj ofte konsiderataj lingvoj en sia propra rajto kaj estas klasitaj sub termino "Germanaj". Kvankam variaj laŭ regiono, tiuj de la suda duono de Germanio sub la linio Benrath estas dominataj per la geografia disvastiĝo de la konsonanta ŝanĝo de la supra germana, kaj la dialekta komplekso kiu konektas la germanan al la najbaraj variaĵoj de la Malsupraj Frankoniaj (nederlanda) kaj de la Frisa lingvaro. La variaĵoj de la germana lingvo estas konvencie grupigitaj en supragermanaj dialektoj, centra germana kaj platgermanaj dialektoj

La mezfranka dialektaro aŭ mozelfranka dialektaro (altgermane *Mittelfränkisch*) estas grupo de dialektoj de la germana lingvo en okcidenta centra Eŭropo. La nomo rilatas al la regiono de la rivero Mozelo kaj al antikva ĝermana etno frankoj, kaj tute ne rilatas al la regiono Frankonio de Bavario.

La vestfala lingvo (vestfale: *Wästhfaalisch*) estas unu el la ĉefaj dialektgrupoj de la okcidentplatgermana lingvo.

Historio de la lingvo

Abrogans, pli ĝuste *Codex Abrogans* (klostra biblioteko de monaĥejo Sankt-Galo, kodekso 911), estas latina- malnovaltgermana glosaro, kies konservita kopio en Sankt-Galo estas rigardita kiel la plej malnova konservita libro en la germana lingvo. Historiajn demandojn starigas ankaŭ la etimologioj inter kiuj brilis, por la germana lingvo, ekz. Ernst Wasserzieher populariginte sciencojn prie.

Historie, la epoko kiam lingvo eknormiĝas estas majloŝtona por ĝia uzo kiel oficiala lingvo. Antaŭ la 15-a jarcento ĉiu regiono uzis preskaŭ nur sian regionan varion. En la nordo de la aktuala Germanio ĝis la 17-a jarcento la prestiĝa lingvo estis la malsupra germana (nome grupo de frataj varioj kiuj formis la malsupran germanan kiu estas la bazo de la nuna norma lingvo). Jam ekde la 15-a kaj la 16-a jarcentoj la oficialaj dokumentoj ne plu estas redaktata hegemonie en latino kaj ekaperis en la regiono kiun nun okupas la centrorienta germana klopodo uzi germanan kiu reprezentu intermezon inter regionaj varioj. Estis tiam kiam ekformiĝis interkonsento inter aŭtoritatoj kaj parolantoj por determini kiel la lingvo estos kaj verkita kaj parolata, kvankam tio ne malhelpis la ekzistadon de regionaj varioj. El tiu interkonsento, la norma lingvo

ekestis konsiderata kiel prestiĝa variaĵo, kaj oni faris decidojn por reguligi la manieron laŭ kiu oni instruos ĝin kiel ĉefa vehikla lingvo en la instrusistemo, same kiel dua lingvo aŭ fremda lingvo. La juraj skribaĵoj en centrorienta germana kaj la Biblio de Lutero (1522-34) estis la elirejo por la formigo de la moderna germana norma lingvo.^[6] Tiukadre oni diris la jenon:




„ Per sia traduko de la Biblio al la germana, kaj spite la fakton ke ĝi ne estis la unua, Lutero fariĝis digna meritanto de rekono kiu nun daŭras rilate al la pliriĝigo kaj normigo de la germana (de tio kio nuntempe estas konata kiel nova supra germana, por plia precizeco). Tio plifortiĝas pro la fakto ke, en sia traduko, Lutero ne elektis vortotrezoron el sia propra dialekto (nome la centr-orienta germana) sed tiu kiu tiam estis plej disvastigita en la germanaj teritorioj. Per tio, Lutero faris la lingvon nacia aferon. La germana jam ne estis simple lingvo sed la nacia linvo.^[7] ”


Tiu normigo de la lingvo konsistas en la elekto de reguloj el inter regionaj alternativaj formoj. En la germana nur meze de la 18a jarcento estas la epoko kiam jam oni povas konsideri establita skriban normigon definitivan, kaj dum la 19-a jarcento oni fiksigos ankaŭ la normigan prononcmankieron. Kvankam la prusia unuigo kaj ties Germana Doganunio (*Zollverein*) estis forta elano por la norma lingvo, origine en la prusia teritorio la hegemonia lingvo estis la masupra germana, kvankam en la eduksisistemo oni helpis la ĵusan normigon bazitan sur la supra germana. Tiu normiga germana ne estis akceptita kiel oficiala lingvo ĝis 1902, kiam la Dua Ortografia Konferenco establis la unuajn regulojn por la normiga germana. Paralele la regionaj lingvoj plue estis uzataj ĝis nuntempe, speciale por neformalaj aferoj kaj ĉiam inter samregionanoj.

Norma lingvo

Kvankam oni uzas la terminon «germana» por referenci al la skribita kaj al la norma lingvo, en la parolata tereno estas granda kvanto de lingvovarioj kun aŭtonoma lingva disvolviĝo. La norma germana, konata kiel *Hochdeutsch* (supra germana), ne originiĝis el preciza dialekto, sed oni kreis ĝin el la diversaj dialektoj, ĉefe el tiuj centraj kaj sudaj, kiel skriba lingvo. Jam ekde la 15a jarcento, tiu ebligis la komunikadon inter tiuj, sed por parolado ne estis unuigita modelo. La kreado de norma prononcado iĝis necesa por la pliiĝo de la gravo de la teatro en la 19a jarcento kiu kondukis la responsulojn de la trupoj serĉi klopodojn kiel formo deklami unika kiu estu komprenita en la tutlanda teritorio. Tiel oni kreis la *Bühnendeutsch* aŭ *sursceneja germana*, kiu finfine iĝis la normiga prononcmankiero de la germana, kvankam kelkaj el ties preceptoj kiel ke «-ig» = /-iç/ ne obeas al lingvaj tialoj sed al akustikaj tialoj.



Komenco de Abrogans-odekso.



La germana en la Eŭropa Unio.

Nuntempo, en la plej parto de la regionoj de la Nordo de Germanio, la popolo estis abandoninta siajn regionajn dialektojn (apartenantajn al la Platgermana lingvo) dum kolokve oni parolis ĉefe norman germanan; la plej ekstremaj okazoj estas tiuj de la Ruhr-regiono (areo kien venis enmigrantoj el la tuta Germanio laŭlonge de la 19a jarcento) kaj la sudo de la ŝtato Brandenburgio, en la nomita Saksio prusia, kie la dialekto praktike estis malaperinta. Tio ne okazas en la sudo de Germanio, Aŭstrio kaj ĉefe Svisio, kie la norma germana apenaŭ estas parolata, nur en esceptaj okazoj, kiel por paroli kun kiu ne komprenas kun la svisa dialekto. En kelkaj germanaj regionoj, ĉefe en kelkaj grandurboj, granda parto de la loĝantaro parolas nur la norman lingvon.

La norma lingvo prezentas regionan diferencojn, speciale en la vortotrezoro, sed ankaŭ en prononcmanner kaj gramatiko. Tiuj diferencoj estas multe pli malgrandaj ol tiuj kiuj ekzistas inter la lokaj dialektoj. Tamen, la germana estas konsiderata plurcentra lingvo, ĉar la varioj de la tri plej grandaj germanparolantaj landoj estas konsiderataj normigaj sammaniere.

Klasigo

La germana apartenas al la okcidenta branĉo de la ĝermana lingvaro en la familio hindeŭropa. Kun la nederlanda, nome ĝia plej proksima parenco, ĝi formas lingvaran zonon tre koheran kaj tre bone difinita kiu klare apartiĝas disde siaj najbaroj per precizaj lingvaj limoj. Tiuj najbaroj estas la jenaj: norde, la frisa kaj la dana; oriente, la pola, la soraba, la ĉeĥo, la hungara kaj la kroata; sude, la slovena, la friula, la ladina, la romanĉa, la lombarda kaj la itala; kaj okcidente, la nederlanda, la limburga, la luksemburga, la franca kaj la frankoprovenca. Scepte pro la frisa, la nederlanda, la limburga kaj la luksemburga, neniuj el tiuj lingvoj estas okcidenta ĝermana: konsekvence, ili estas klare diferencaj el la germana kaj el la nederlanda. Tamen, spite la fakton ke la frisa estas ĝermana lingvo, same kiel la germana kaj la nederlanda, oni konsideras, ke ĝi ne estas reciproke komprenebla kun tiuj.^[6]

La situacio estas pli komplika rilate al la distingo inter la germana kaj la nederlanda. Ĝis antaŭ nelonge estis dialekta komplekso laŭlonge de la tuta germanparolanta areo, sen lingvaj limoj. En tiu dialektaro, la dialektoj ĉiam estas reciproke interkompreneblaj kun siaj plej najbaraj dialektoj, sed tiuj kiuj estas pli malproksimaj plej ofte ne estas interkompreneblaj. La germana-nederlanda dialekta komplekso rilatas al klasigo de la dialektoj en supra germana kaj malsupra germana kun bazo sur la dua konsonanta mutacio. Tiel la nederlanda estus parto de la grupo malsupra germana. Tamen, pro la politika apartigo inter Germanio kaj Nederlando, la dialektoj de la malsupra germana de Germanio kaj de Nederlando ekevoluis sendepende laŭlonge de la 20a jarcento. Krome, en ambaŭ landoj multaj dialektoj estas preskaŭ formortantaj ĉar ili estas anstataŭataj per la normiga lingvo. Pro tio, ekformiĝas la lingva limo inter la nederlanda kaj la germana.

Kvankam la germana estas gramatike tre simila al la nederlanda, ĝi estas tre diferenca en la dialogo. Parolanto de unu de la lingvoj bezonas iom da praktiko por kompreni parolanton de la alian. Komparu, por ekzemplo:

De kleinste kameleon is volwassen 2 cm groot, de grootste kan wel 80 cm worden.
(nederlanda)

Das kleinste Chamäleon ist ausgewachsen 2 cm groß, das größte kann gut 80 cm werden.
(germana)




La *Deutsches Wörterbuch* (Germana vortaro, 1854) de la Fratoj Grimm helpis la normigon de la germana ortografio.

(«La plenkreska kameleono plej malgranda estas 2 cm longa, la plej granda povas atingi 80 cm.»)

La unulingvaj parolantoj de nederlanda ĝenerale kapablas legi germanan, kaj la parolantoj de malsupra germana ĝenerale kapablas legi la nederlandan, sed ili havas problemojn por kompreni la parolatan nederlandan.

Literaturo

 Pli detalaj informoj troveblas en artikolo Germana literaturo.

La germana lingvo estas uzita en germana literaturo kaj povas esti datita el la Mezepoko, de kiam la plej elstaraj aŭtoroj de la periodo estis Walther von der Vogelweide kaj Wolfram von Eschenbach.

La Kanto de la Nibelungoj, kies aŭtoro restas nekonata, estas ankaŭ grava verko de la epoko. La fabeloj kolektitaj kaj publikigitaj fare de Jakobo kaj Vilhelmo Grimm en la 19a jarcento iĝis fama tra la tuta mondo.

Reformaciisto kaj teologo Marteno Lutero, kiu estis la unua kiu tradukis la Biblion en la germanan, estas amplekse konsiderata kiel tiu kiu metis la bazon por la moderna lingvo "Supra germana". Inter la plej bone konataj poetoj kaj aŭtoroj en germana estas Lessing, Goethe, Schiller, Kleist, Hoffmann, Brecht, Heine, kaj Kafka. Dek kvar german-parolantaj verkistoj ricevis la Nobel-premion pri literaturo: Theodor Mommsen, Rudolf Christoph Eucken, Paul von Heyse, Gerhart Hauptmann, Carl Spitteler, Thomas Mann, Nelly Sachs, Hermann Hesse, Heinrich Böll, Elias Canetti, Günter Grass, Elfriede Jelinek, Herta Müller kaj Peter Handke, kio faras ĝin la dua plej premiita lingva regiono (kun la franca) post la angla.

<u>Johann Wolfgang von Goethe</u> (1749–1832)	<u>Friedrich Schiller</u> (1759–1805)	<u>Fratoj Grimm</u> (1785–1863)	<u>Thomas Mann</u> (1875–1955)	<u>Hermann Hesse</u> (1877–1962)
				

Aliaj famaj aŭtoroj de la germana

- Heinrich Böll
- Friedrich Dürrenmatt
- Michael Ende
- Max Frisch
- Peter Handke
- Karl May
- Gustav Meyrink
- Theodor Mommsen
- Herta Müller
- Novalis
- Erich Maria Remarque
- Rainer Maria Rilke

Specimeno

La Patro Nia

*Vater Unser im Himmel,
Geheiligt werde Dein Name,
Dein Reich komme.
Dein Wille geschehe,
Wie im Himmel, so auf Erden.
Unser tägliches Brot gib uns heute,
Und vergib uns unsere Schuld,
Wie auch wir vergeben unseren Schuldigern.
Und führe uns nicht in Versuchung,
Sondern erlöse uns von dem Bösen.
Amen.*

- Johanna Spyri
- Christa Wolf
- Stefan Zweig
- ktp

Germandevenaj Esperantaj vortoj

Inter multaj germandevenaj Esperantaj vortoj estas ekzemple:

anstatt > anstataŭ
bald > baldaŭ
bedauern > bedaŭri
danken > danki
halten > halti
Jahr > jaro
Knabe > knabo
nur > nur
Hund > hundo
Tag > tago
Fräulein > fraŭlino
Schrank > ŝranko
ge- > ge-
-in-

Germanlingvaj internaciaj vortoj

Inter multaj germanlingvaj internaciaj vortoj estas ekzemple:

- Anschluss, aneksado en 1938 de Aŭstrio ene de la Nazia Germanio.
- Bildungsroman, formadromano nome romano pri formado aŭ lernado.
- Blitzkrieg, nome fulmomilito kiel taktiko kiu baziĝas je surprizo, moviĝemo, armilteĥnika kaj armilforta supereco.
- Bratwurst, tipe germana kolbaso.
- Delicatessen aŭ delikataĵo.
- Doppelgänger, fantomeska duoblulo de viva homo, ofte portretita kvazaŭ malbona aŭguro laŭ la germana folkloro.
- Edelweiss, el kio la esperantlingva edelvejso.
- Kindergarten, Infanĝardeno.
- Kitsch, nome kiĉo, artverko malaltkvalita, sengusta kopio de iu ekzistanta stilo aŭ troplena de (malsinceraj) emocioj.
- Kulturkampf, kulturbatalo, lukto aŭ batalo inter ideologioj sur kultura tereno, por la gvidanta pozicio.
- Leitmotif, gvidmotivo, artisma rimedo, kiu ligite al komence eksterartisma enhavo retroveblas ĉie en la tuteco de la verko.



Anschluss. Germanaj kaj Aŭstriaĵ limpolicianoj dismuntas landlimejon en 1938.

- Nazi, ano de Naziismo.
- Panzer, tipo de tanko.
- Poltergeist, fantomo.
- Realpolitik, realecpolitiko, politiko kiu eliras el la eblecoj kaj rezignas pri abstraktaj programoj kaj idealaj postulatoj.
- Reich, Germana Regno.
- Sauerkraut, acida brasiko aŭ saŭkraŭto.
- Übermensch, superhomo, nome figuro de homo kiu iras trans sin mem en la nova epoko signomarkita de neniismo aktiva.
- Weltanschauung, mondkoncepto, relative daŭra grupo de opinioj temantaj pri ĉirkaŭa mondo, inspirigintaj diversajn sferojn de kulturo, ĉefe scienco, arto, religio kaj filozofio.
- Zeitgeist, intelekta modo aŭ dominanta skolo de pensaro kiu estas tipa kaj influas la kulturon de partikulara periodo.

Organizoj

La uzado kaj lernado de la germana lingvo estas helpita de nombraj organizoj.

Goethe-Institut

 Pli detalaj informoj troveblas en artikolo [Goethe-Institut](#).

La registar-apogita *Goethe-Institut*^[8] (nomita laŭ la fama germana aŭtoro Johann Wolfgang von Goethe) celas plibonigi la sciaron pri la germanaj kulturo kaj lingvo ene de Eŭropo kaj en la cetero de la mondo. Tio estas farata per la organizo de ekspozicioj kaj prelegoj pri german-rilataj temoj, kaj havigado de trejnado kaj gvidado en la lernado kaj uzado de la germana lingvo. Por ekzemplo, la *Goethe-Institut* instruas laŭ la atestilo de la *Goethe-Zertifikat* germanlingva kvalifiko.



Centra oficejo de la *Goethe-Institut* en Munkeno.

Verein Deutsche Sprache

La organizo kun sidejo en Dortmund nome *Verein Deutsche Sprache* (VDS), kiu estis fondita en 1997, subtenas la germanan lingvon kaj estas la plej granda lingva asocio de civitanoj en la mondo. La VDS havas pli ol tridek kvin mil membrojn en ĉirkaŭ sepdek landoj. Ties fondinto, profesoro pri statistiko Dro. Walter Krämer, restis proparolanto de la asocio ekde ties komencoj.^[9]

Deutsche Welle

 Pli detalaj informoj troveblas en artikolo [Deutsche Welle](#).

La radielsendejo de la germana ŝtato nome *Deutsche Welle* estas la ekvivalento de la brita BBC World Service (Monda Servo) kaj havigas radio kaj televi-elsendojn en germana kaj en 30 aliaj lingvoj tra la tuta mondo.^[10] Ĝiaj germanlingvaj servoj estas aranĝitaj por



lernantoj de germana lingvo per malrapida kaj klara parolado. *Deutsche Welle* havigas ankaŭ e-learning (ret-lernadan) retejon por lerni la germanan.


Kuriozaĵoj

- Vorto de la jaro
- La plej longa oficiale uzata vorto de la germana lingvo
- Strato de la germana lingvo

Bildaro



Mapo de uzo de la
germana kaj
nederlanda lingvoj



Mapo de uzo de
variantoj de la
germana lingvo en
31-a de decembro
1937)

Eksteraj ligiloj

- Senpagaj multlingvaj kursoj de la germana kun ekzercoj, biblioteko kaj informoj pri Germanio kaj Aŭstrio (<http://deutsch.info>)
- Asocio pri la germana lingvo (<http://www.vds-ev.de>)
- "German 101" - reta kurso de la germana lingvo por anglaingvanoj (<http://www.101languages.net/german/>)
- Vortaroj en la katalogo Curlie (<https://curlie.org/World/Esperanto/Informo/Vortaroj/Germana/>)

Lernolibroj

- germana lingvo en 30 tagoj *Deutsch in 30 Tagen German in 30 Days*, eldonejo Langenscheidt, pri nivelo A2, germane/angle, kun kompaktdisko 70 Minutoj kaj verbofikso (tabelo), ISBN 978-3-468-28016-0 vidu ankaŭ www.langenscheidt.de
- germana lingvo en 30 tagoj *Deutsch in 30 Tagen*, eldonejo Langenscheidt, pri nivelo A2, germane/pole, kun kompaktdisko, vidu ankaŭ www.langenscheidt.de

Literaturo

- *Monato*, internacia magazino sendependa, numero 1993/12, paĝo 19: *La germana verkita de Bradley Kendal*.
- *Brockhaus Enzyklopädie*

- Cercignani, Fausto, *The Consonants of German: Synchrony and Diachrony*, Milano, Cisalpino, 1979.
- Clyne, Michael, *The German Language in a Changing Europe* (1995) ISBN 0-521-49970-4
- Curme, George O., *A Grammar of the German Language* (1904, 1922)
- Fox, Anthony, *The Structure of German* (2005) ISBN 0-19-927399-5
- Hawkins, John A. (2009). «4. German». B. Comrie, eld. *The World's Major Languages* (2a eldono). Routledge. pp. 86-109. ISBN 0-203-30152-8.
- Kohler, Klaus J. (1977), *Einführung in die Phonetik des Deutschen*, Berlin: E. Schmidt
- Kohler, Klaus J. (1990), «German», *Journal of the International Phonetic Association* 20 (1): 48-50, doi:10.1017/S0025100300004084
- Kohler, Klaus J. (1999), «German», *Handbook of the International Phonetic Association: A guide to the use of the International Phonetic Alphabet*, Cambridge: Cambridge University Press, pp. 86-89, ISBN 0-521-65236-7, doi:10.1017/S0025100300004874
- Lockwood, W. B., *German Today: The Advanced Learner's Guide* (1987) ISBN 0-19-815850-5
- Sanders, Ruth H., *German: Biography of a Language*, Oxford University Press, 2010.

Vidu ankaŭ

- Alemana lingvo
- Alemando
- Germanigo
- Lingvistiko
- Listo de lingvoj
- Lingva familio
- Pensilvangermana dialekto
- Signolingvo
- Tutgermanismo

Referencoj

1. ↑ Cooficialização da língua alemã em Antônio Carlos (<http://www.ipol.org.br/uploadd/Image/lei1.jpg>)
2. ↑ George Weber: "Top Languages: The World's 10 Most Influential Languages" en *Language Today* (Vol. 2, Dec 1997)
3. ↑ [1] (https://es.wikipedia.org/wiki/Demograf%C3%ADa_de_la_Uni%C3%B3n_Europea)
4. ↑ Morehouse, Kevin (6a de aprilo 2017). «What Are the Most Learned Languages in the World? • *LinguaCore*». (<https://web.archive.org/web/20190814160053/https://www.linguaCore.com/blog/most-learned-languages/>) *LinguaCore* (en usonangla). Arkivita el la originalo la 14an de aŭgusto 2019. Konsultita la 21an de aprilo 2020.
5. ↑ Alemanista. «5 Consejos para aprender Alemán». (<http://www.alemanista.com/5-consejos-para-aprender-aleman/?unapproved=122045&moderation-hash=11ab8c962242fbcae3c11ff06db6b5c2#comment-122045>) Konsultita la 21an de aprilo de 2020.
6. ↑ ^{6,0} ^{6,1} J. A. Hawkins, 2009
7. ↑ Maestro Cano, Ignacio C. «Protestantismo, pensamiento y cultura en Alemania». (<http://www.ub.edu/geocrit/b3w-1132.pdf>) *Biblio3W*. Revista bibliográfica de geografía y ciencias sociales. Konsultita la 21an de aprilo 2020.
8. ↑ Learning German, Experiencing Culture – Goethe-Institut (<http://www.goethe.de/en/index.htm>). Goethe.de. Alirita 24a de januaro 2012.
9. ↑ Verein Deutsche Sprache e.V. (<http://www.vds-ev.de>). Alirita 18a de julio 2016.
10. ↑ Who we are (<http://www.dw.de/dw/0,,3325,00.html>). DW.DE (31a de decembro 2011).

Alirita 14a de junio 2013.

- [wiegehtes.com](http://www.wiegehtes.com) - Deutsch lernen online (<http://www.wiegehtes.com>)
 - *En tiu ĉi artikolo estas uzita traduko de teksto el la artikolo [Idioma alemán](https://es.wikipedia.org/w/index.php?title=Idioma+alem%C3%A1n&oldid=125039101) (<https://es.wikipedia.org/w/index.php?title=Idioma+alem%C3%A1n&oldid=125039101>) en la hispana Vikipedio.*
 - *En tiu ĉi artikolo estas uzita traduko de teksto el la artikolo [German language](https://en.wikipedia.org/w/index.php?title=German+language&oldid=952142584) (<https://en.wikipedia.org/w/index.php?title=German+language&oldid=952142584>) en la angla Vikipedio.*
-

Elŝutita el "https://eo.wikipedia.org/w/index.php?title=Germana_lingvo&oldid=6946021"

Ĉi tiu paĝo estis lastafoje redaktita je 17:05, 24 apr. 2020.

La teksto disponeblas laŭ la permesilo [Krea Komunaĵo Atribuite-Samkondiĉe 3.0 Neadaptita](#); eble aldonaj kondiĉoj aplikeblas. Vidu la [uzkondiĉojn](#) por detaloj.